

重修
植物名實圖考

小野職愨重修
山草類

重修植物名實圖考卷之十

清國 吳其濬原撰

日本

伊藤圭介 校閱

小野職慤 重修

岡松甕谷 句讀

山草

山馬蝗

小槐花 ウシグサ

白鮮皮

黎辣根

釘地黃 二圖

細米條

千筋拔

和血丹 ハギ 卽胡枝子

無名一種 イヌハギ

土常山 四種
第二種 アマチャ

野南瓜

美人嬌

山胡椒 ヤマカウバシ

青茨葉 ハナイカダ

イシヤダラシ
山豆根

ハシロサツ
九頭獅子草

省頭草

イハナ
關骨草

赤脛散

タヌキマメ
野百合

野雞草

茶條樹

コマトメ
小丹參

眞白前

甜遠志

眞黃精

シキヨモギ
陰行草

杜根藤

葉下紅

地麻風

落地梅

ノムシダケ
冬蟲夏草

野辟汗草

無名二種

コマトメ
勁枝丹參 又一種

ヲヤマリンダウ
眞龍膽草

眞銀柴胡

薪棍

面來刺

土升麻

抱雞母

大二仙草

海風絲

四方麻

小二仙草

鮎魚鬚

一掃光

元寶草

還魂丹

山馬蝗



山馬蝗

山馬蝗產長沙山阜獨根有短鬚褐莖多叉每枝三葉葉微似竹面青背白疏紋無齒葉間發小莖開紫白小花如粟俚醫以治哮此草與小槐花枝葉相類唯附莖團團結角似蛾眉豆而扁小有雙角連生者亦黏人衣葉老則漸圓與豆葉無異紋亦澀亂

和血丹



和血丹 即胡枝子


和血丹、生長沙山坡、獨莖小科、一枝三葉、面青黃、背粉白、有微毛、似豆葉而長、莖方有棱、赭黑色、直根四出、有細鬚、俚醫以爲破血之藥、按、救荒本草、胡枝子、俗名隨軍茶、生平澤中、有二種、葉形有大小、大葉者、類黑豆葉、小葉者、莖類薯草、葉似苜蓿葉、而長大、花色有紫白、結子、如粟粒大、氣味與槐相類、性溫、採子微春、卽成米、先用冷水淘淨、復以滾水湯三五次、去水下鍋、或作粥、或作炊飯、皆可食、加野菜豆、味尤佳、及採嫩葉、蒸晒爲茶、煮飲亦可、此卽是葉似黑豆葉者、其氣味頗似茶葉、北地茶少、故凡似茶者、皆蓄之、南土則多供樵薪、採摘所不及矣、

小槐花



小槐花

小槐花、江西田野有之、細莖發枝、一枝三葉、如豆葉、而尖長、秋結豆莢、細如菉豆、而有毛、莖葉略似山馬蝗、而結角不同、





生嶽麓、獨莖參差、生葉三葉攢聚、葉似胡頹子葉、微小、面深綠、背白、皆有微毛、梢頭發叉、開小白花、似蛾眉豆花、黃鬚點點、




白鮮皮



白鮮皮

白鮮皮、生長沙山坡、叢生赭莖、莖多斜刺、交互極密、嫩莖青綠、長葉排生、如蒲
藷、而有細齒、葉上亦有暗刺、甚澀、面綠、背青白、俚醫以散痰氣、行筋骨、按、形
狀、與本草白鮮皮異、別是一種、

白鮮皮



土常山



土常山

土常山、江西多有之、形狀頗似黃荊、唯每枝三葉、葉寬有大齒、氣味辛烈、如椒、
俚醫云、閩中負販者、口含此葉、行半日不渴、且能辟暑、蓋其氣味辛苦、能通竅
散熱、生津降氣、故有殊功、

土常山



土常山

